

Broj: 05-23-583/19
Sarajevo, 19.08.2019. godine

BOSNA I HERCEGOVINA
Federacija Bosne i Hercegovine
n/r sekretara mr.sci. Edita Kalajdžić
Vlada Federacije BiH
Alipašina 41
71 000 Sarajevo

Bosna i hercegovina
federacija bosne i hercegovine
MINISTARSTVO
FEDERACIJE
SARAJEVO
28-08-2019

05/2-02-141/19

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
Zastupnički dom/Predstavnički dom
v.d. tajnika mr.sci. Izmir Hadžić
Hamdije Kreševljakovića br. 3
71 000 Sarajevo

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
Zastupnički dom/Predstavnički dom
Aner Žuljević, federalni zastupnik
Hamdije Kreševljakovića br. 3
71 000 Sarajevo

Predmet: Odgovor na zastupničko pitanje, - dostavlja se -

*Veza: Dopis Vlade Federacije BiH broj: 03-02-760/19 od 30.07.2019.
Dopis Parlamenta Federacije BiH br. 05/2-02-141/19 od 25.07.2019.*

Poštovani,

na adresu Federalnog ministarstva okoliša i turizma prosljeđen je dopis Parlamenta Federacije i Vlade Federacije BiH radi davanja odgovora na zastupnička pitanja zastupniku Aneru Žuljeviću postavljena na 2. redovnoj sjednici Predstavničkog doma Parlamenta Federacije Bosna i Hercegovine, održane 18. 07. 2019. godine.

Pitanja glase:

1. Da li postojeće stanje na J.P. "Deponija" d.o.o. Mostar faktički zadovoljava uslove iz okolinske dozvole vezano za vrste otpada koje se mogu na njoj odložiti?
2. Dostaviti sve nalaze inspekcije koji su u međuvremenu napravljeni od pojave problema na Deponiji Mostar d.o.o. kako bi se moglo utvrditi koji nivo problema imamo po pitanju odlaganja onoga što po definiciji te deponije na nju nikada ne bi trebalo biti odloženo.
3. Pitanje pronalaska alternativnog rješenja s obzirom da je postojeći deponijski prostor pri kraju.

Odgovor:

1. Okolišnom dozvolom UP I 05/2-23-11-47-2/14 SN izdatom dana 17. 9. 2014. godine Federalno ministarstvo okoliša i turizma propisalo je da J.P. "Deponija" d.o.o. Mostar može zbrinjavati komunalni, neopasni otpad.

U tački tri okolišne dozvole stoji (citirano):

„3. Opis aktivnosti za koje se izdaje dozvola:

U regionalnoj deponiji krutog komunalnog otpada vršiti će se prihvata komunalnog i manjih količina neopasnog proizvodnog otpada preko mreže organiziranog sakupljanja na obližnjim područjima. U regionalnoj deponiji krutog komunalnog otpada se odvijaju različite aktivnosti vezane za obradu otpada prije njegovog konačnog odlaganja na odlagalištu neopasnog otpada, koje uključuju:

- prihvata i obradu sortiranog ili nesortiranog otpada,
- prihvata i skladištenje otpada koji se može ponovo upotrijebiti ili reciklirati,
- prihvata, privremeno skladištenje i daljnja predaja opasnog otpada iz domaćinstava,
- prihvata, privremeno skladištenje i distribucija otpada koji se može koristiti u druge svrhe,
- odlaganje obrađenog otpada.

Regionalnoj deponiji krutog komunalnog otpada ima obavezu zbrinjavati neopasni otpad iz kategorije 20 Pravilnika o kategorijama otpada sa listama (Sl. novine Federacije BiH, br. 19/05), dok će se ostali neopasni otpad (prvenstveno neopasni proizvodni otpad), zbrinjavati u sklopu regionalne deponije krutog komunalnog otpada ukoliko za to ne postoji nikakvo drugo okolišno prihvatljivo rješenje (odlagalište inertnog otpada, adekvatno odlaganje u krugu proizvodnih kapaciteta i sl.)“ (kraj citata).

2. U prilogu ovog akta dostavljamo vam inspekcijske nalaze Federalne uprave za inspekcijske poslove za period 15.4.2013 do 11.6.2019. godine.

3. J.P. "Deponija" d.o.o. Mostar ima važeću okolišnu dozvolu koja vrijedi do 14.9.2019. godine. Prema Zahtjevu za izdavanje nove okolišne dozvole koji je zaprimljen 13.5.2019. godine, procijenjeno je da će ova deponija, po sadašnjoj brzini punjenja deponije, još godinu dana moći primati otpad.

a) Proširenje deponije

Jedna od alternativa je da J.P. "Deponija" d.o.o. Mostar napravi pored ovog tijela, novo odlagalište otpada površine od cca 2 ha i tako se dalje širi dok se ne popuni rezervirani prostor deponije. Međutim, za bilo koje novo proširenje neophodno je informisati i uključiti javnost u upravni postupak procjene uticaja na okoliš na temelju izrađene Studije o procjeni uticaja na okoliš.

b) Izgradnja nove deponije

Ukoliko se donese odluka o otvaranju nove deponije potrebno je da gradske/kantonalne vlasti donesu odluku o novoj lokaciji za regionalnu deponiju, te nakon toga uđu u dalje zakonom propisane procedure. U skladu sa čl. 11. Zakona o upravljanju otpadom („Službene novine Federacije BiH br. 33/03, 72/09 i 97/17) odluku o novoj lokaciji donosi nadležno kantonalno ministarstvo. Odluka o novoj lokaciji se ne može donijeti bez uključivanja javnosti, posebno lokalne zajednice i nevladinog sektora.

S poštovanjem,

Prilog. Kao u tekstu

Dostaviti:

- naslovu
- arhivi

